

## EW NAMOPUNG

A ekkesiwini Sopun 3, Itenap 29 me non ewe Pukenapen Annukun Chuuk, ren an epwe awateta niwinin naisenin amomo unus(wholesale), me ren pwan ekkoch popun.

Epwe Pung me ren ewe Legislature-un Chuuk pwe:

Tetten 1. Ekkesiwin. Tetten 51, Sopun 3, Itenap 29 me non ewe Pukenapen Annukun Chuuk, iei a ekkesiwin ngeni ei ititin:

"Tetten 51. Naisenin Amomo Unus. Niwinin naisenin amomo unus (wholesale) iteiten ier epwe kamotiw ren ewe Choon Isoni Moni non Chuuk non ei tettenin:

- (1) ren sopai ese nifinifin mei amomo unus nge an unusen moni tonong iteiten ier mei ukukun ruu million chana ika napeseni, niwinin epwe nimu-puku chana;
- (2) ren sopai ese nifinifin mei amomo unus nge an unusen moni tonong iteiten ier mei kukkun seni ruu million chana nge pwan napaseni ew million chana, niwinin naisen epwe unupuku chana;
- (3) ren sopai ese nifinifin mei amomo unus nge an unusen moni tonong iteiten ier mei kukkun seni ew million chana nge mei pwan napaseni nesopun ew million chana (nimepuku ngorou chana) niwinin naisen epwe ruu-puku chana;
- (4) ren sopai ese nifinifin mei amomo unus nge an unusen moni tonong iteiten ier mei kukkun seni nesopun ew million(nimepuku ngorou chana) niwinin naisen epwe ipuku nime chana."

Tetten 2. Ekkesiwin. Tetten 53, Sopun 3, Itenap 29 me non ewe Pukenapen Annukun Chuuk iei a ekkesiwin ren an epwene iei usun ititin:


"Tetten 53. Kamotiw Niwinin Naisen - Pwinin Maram. Naisenin pisinis mei foruta fan pungun ei Sopun epwe kamotiw esap mang seni engon-me-nimuwen October non ewe ier ewe naisen epwe poputa non, iwe epwe kamotiw me mwen an ewe pisinis epwe poputa amomo. Ewe niwinin naisen epwe kamotiw non unusan nge esap pwan kinikinitiw ren met nussun ese wes me met a wes ren ewe minefoon ier."


Tetten 3. Foruta. Tetten 55 me 56, iei a pwan kapachenong non  
Sopun 3, Itenap 29 me non ewe Pukenapen Annukun Chuuk, epwe iei usun ititin:


"Tetten 55. Iolen. Ewe Choon Isoni Moni non Chuuk epwe  
ioni meinisin niwinin naisenin pisinis nupwen a tori atun, fan  
pungun ei Sopun.


Tetten 56. Tipisin. Ioon aramas e mochen fori pisinisin  
anomomo unus(wholesale) epwe angei noun naisen fan pungun ei Sopun  
me mwen an epwe poputani an we pisinis. Emon aramas ese angei  
noun naisen usun a affat me ren ei Sopun epwe paking won \$150.00."

Tetten 4. Poputan Pochokunan. Ei Namopung epwe poputa pochokunan  
non January 1, 1979, fansoun an kapunguno me ren ewe Kepina, ika an pusin  
winita annuk nge ese mwo chiwen kapunguno.

Sain seni:   
Tadashi C. Wainit, Speaker  
Legislature of the Truk District

Annetata:   
Datasi Albert  
Legislative Clerk/Secretary  
Legislature of the Truk District

Pwinin maram: 

A kapunguno:   
Erhart Aten, Kepina  
Truk District Government

Pwinin maram: January 1979